

Constándolle a AER da existencia dun borrador de proposta de creación en Redondela do "Consello Sectorial de Cultura", de crearse un Consello Sectorial da Cultura:

¿poderían indicarnos cales son os prazos para a súa creación e cal vai ser o modelo de nomeamento e representatividade dos actores culturais do concello dentro del e o peso das súas decisións?"

RESPOSTA

O concelleiro Sr. Alonso Monteagudo di que o denominado na pregunta "Consello Sectorial de Cultura" leva funcionando 2 anos, non como órgano oficial senón con carácter consultivo, sen máis funcións que poñer sobre a mesa elementos da cultura de Redondela. Indica que existe un borrador no que non se contemplan órganos de representación nin de partidos, senón persoas a título individual e sen ningún tipo de representación. Entende que existen diversas formas de ver a cultura e cre que este órgano funciona ben e que serve para os obxectivos para os que se creou, polo que non existe presa para concretar o borrador.

7.4.6 ROGO DE AER SOBRE OS CONTEDORES DE LIXO EN VENTOSELA

Dáse lectura ao seguinte rogo formulado polo grupo municipal AER

"Varios veciños da parroquia de Ventosela transmitíronnos un problema co que se atopan. O problema é a escaseza de contedores de reciclaxe na parroquia e que os obriga a desprazarse en coche a zonas máis afastadas.

É por isto que rogamos que poñan solución a esta eiva coa maior brevidade posible, incorporando máis contedores de reciclaxe nos lugares que previamente lles aconsellen os veciños e distintas asociacións da parroquia"

E non habendo mais asuntos a tratar, a Presidencia levanta a sesión, sendo as vinte e dúas horas e trinta e catro minutos da data indicada no encabezamento, de todo o que se estende a presente acta, da que, como Secretario acctal., dou fe.-

ACTA 15/2013

SESIÓN ORDINARIA CELEBRADA POLO PLENO DO CONCELLO O DÍA 5 SETEMBRO 2013

ORDE DO DÍA

- 1 APROBACIÓN, SE PROCEDE, DA ACTA DA ÚLTIMA SESIÓN.
- 2 DAR CONTA DE EXPEDIENTES DE MODIFICACIÓN DE CRÉDITO.
- 3 APROBACIÓN INICIAL MODIFICACIÓN CADRO DE PERSOAL 2013.
- 4 MODIFICACIÓN DO ANEXO DA ORDENANZA FISCAL REGULADORA DA TAXA POR SERVIZOS DE CASAS DE BAÑOS, DUCHAS, PISCINAS, INSTALACIÓNS DEPORTIVAS E OUTROS SERVIZOS ANÁLOGOS.
- 5 APROBACIÓN PROVISIONAL DA ORDENANZA FISCAL REGULADORA DA TAXA POLA UTILIZACIÓN DE INSTALACIÓNS DEPORTIVAS MUNICIPAIS POR PEREGRINOS.
- 6 APROBACIÓN PROVISIONAL DA MODIFICACIÓN DA ORDENANZA FISCAL REGULADORA DA TAXA POR INSTALACIÓN DE QUIOSCOS NA VÍA PÚBLICA.
- 7 ADOPCIÓN DE ACORDO S/FIXACIÓN FESTAS LOCAIS ANO 2014.
- 8 APROBACIÓN INICIAL DA MODIFICACIÓN DO ARTIGO 6 DO REGULAMENTO REGULADOR DO CONSELLO FORESTAL MUNICIPAL.



(Sinatura do Presidente)

Folio N.º

Serie A N.º 1179793

9 ACTIVIDADES DE CONTROL DE PLENO:

9.1 DAR CONTA RESOLUCIÓNS DA ALCALDÍA. 9.2 MOCIÓN

9.2.1 MOCIÓN DO GRUPO MUNICIPAL DO PARTIDO POPULAR, S/ TERRORISMO EN GALICIA.

9.2.2 MOCIÓN DO GRUPO MUNICIPAL DE A.E.R. SOBRE O VERTEDOIRO DA MARISMA.

9.2.3 MOCIÓN DO GRUPO MUNICIPAL DE A.E.R., S/ REPAROS INTERVENCIÓN.

9.2.4 MOCIÓN PRESENTADA POLO GRUPO MUNICIPAL DO B.N.G., S/ MEDIDAS PARA PALIAR OS DANOS CAUSADOS POLA VAGA DE LUMES E NOVA POLÍTICA CONTRA OS INCENDIOS.

9.2.5 MOCIÓN PRESENTADA POLO GRUPO MUNICIPAL DO B.N.G., S/ RECUPERACIÓN DO CAMPO DE FÚTBOL DE O VISO

9.3 SOLICITUDE DE COMPARECENCIAS.

9.4 ROGOS E PREGUNTAS.

Na Casa do Concello de Redondela, sendo as vinte horas e trinta minutos do día cinco de setembro de dous mil trece, baixo a Presidencia do alcalde Javier Bas Corugeira e a asistencia dos/as Sres/Sras. concelleiros/as: Miguel Angel Álvarez Ballesteros, Julio Carlos Alonso Monteagudo, María Teresa París Blanco, Ana María Alonso Alonso, Jesús Crespo López, María José Barciela Barros, Erminda Quelle Fernández, Arturo González Barbeiro, Cándido Vilaboa Figueroa, Eduardo José Reguera Ocampo, Luís Alberto Orge Míguez, Digna Rosa Rivas Gómez, Antonio Cabaleiro Millares, Leticia González Guisande, Leonardo Cabaleiro Couñago, Antonio Vázquez Saco, José García Míguez, Cecilia Pérez Orge, Xoan Carlos González Campo e Alfonso Blanco Pérez, tamén asistiu o interventora acetal. do Concello Maria Emilia García Maneiro, actuando como secretaria o secretaria xeral do Concello Ana Begoña Merino Gil, constitúese o Pleno do Concello, en sesión ordinaria, conforme á convocatoria e de acordo coa Orde do Día.

INCIDENCIAS.-

Con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.

A Presidencia declara aberta a sesión, en primeira convocatoria, procedéndose a tratar os puntos da Orde do Día.-

1.- APROBACIÓN, SE PROCEDE, DA ACTA DA ÚLTIMA SESIÓN.

Dada conta do borrador da acta da sesión celebrada con carácter ordinario o día 30 de xullo de 2013, o Pleno do Concello, en votación ordinaria e por unanimidade dos/as Sres/as concelleiros/as, sendo vinte e un votos a favor (10 do PP, 8 do PsdeG-PSOE, 2 do BNG e 1 de AER), prestoulle a súa aprobación á acta de referencia, sen formular reparo algún.-

2.- DAR CONTA DE EXPEDIENTES DE MODIFICACIÓN DE CRÉDITO.-

Dada conta dos seguintes expedientes administrativos de modificación de crédito:

MC 20/13 gc 05-13, mediante xeración de crédito, por importe de 9.894,50 euros, aprobado por Resolución da Alcaldía de data 02.08.13, por importe de 9.894,50 euros

MC 21/2013 tc 11-13, mediante transferencia de crédito, por importe de 2.539,74 euros, aprobado por Resolución da Alcaldía de data 02.08.13, por importe de 2.539,74 euros

MC 22/2013 tc 12-13, mediante transferencia de crédito, aprobado por Resolución da Alcaldía de data 12.08.13, por importe de 4.864,20 euros.

O Concello Pleno, quedou enterado dos expedientes administrativos de modificación de crédito, anteriormente relacionados.-

3.- APROBACIÓN INICIAL CADRO DE PERSOAL 2013.-

ANTECEDENTES.-

Ditame da Comisión Informativa de Economía, Facenda e Desenvolvemento Local de data 2 de setembro de 2013, que transcrito di:

“Vista a proposta de Alcaldía de data 26 de agosto de 2013, que transcrita di:

Considerando que JULIO MARCOS RUA DUSMAN, policía local deste Concello, cumpriu 58 anos de idade, polo que se atopa na situación obxectiva que de acordo co artigo 64.1 c) da Lei 4/2007 de 20 de abril de Coordinación de Policías Locais de Galicia (LCPLG) determina o seu pase a un posto de segunda actividade, de acordo co solicitado polo mesmo.

Visto o informe da Secretaría n.º 82/2013 de data 21 de agosto do ano 2013.

Visto o informe da Intervención, con referencia MGM-26.08.13.1, de data 26 de agosto de 2013.

Esta Alcaldía proponlle ao Concello Pleno a adopción do seguinte acordo:

Primeiro.- Modificar o Cadro de Persoal do ano 2013, asignándolle á praza de segunda actividade actualmente vacante as mesmas retribucións básicas e complementarias que para os policía locais.

Segundo.- Expor ao público durante 15 días a aprobación inicial, entendendo que, no caso de non presentase alegacións, resultará definitivamente aprobada.

Votación e ditame.- A Comisión Informativa de Economía, Facenda e Desenvolvemento Local, en votación ordinaria, e con votos a favor de todos os grupos, estimaron oportuno ditaminar favorablemente a proposta.”

INTERVENCIÓNS.-

O concelleiro BLANCO PÉREZ pregunta se existe a posibilidade de que a praza se cree dentro do mesmo corpo para non prexudicar a un traballador que actualmente ocupa a praza.

A concelleira PÉREZ ORGE di que tamén cree que se debe buscar un acordo para que non se desprace ao traballador que a ocupa.

O alcalde di que tratarán de arranxa-lo tema chegando a un acordo co mesmo aínda que se un policía que está na situación obxectiva de segunda actividade solicitou a praza, hai que darlla.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./Sras. concelleiros/as, sendo vinte e un votos a favor (10 do PP, 8 do PSdeG-PSOE, 2 do BNG e 1 de AER) aprobou, nos seus propios termos, o ditame da Comisión Informativa de Economía, Facenda e Desenvolvemento Local, nos antecedentes transcrito.-

4.- MODIFICACIÓN DO ANEXO DA ORDENANZA FISCAL REGULADORA DA TAXA POR SERVIZOS DE CASAS DE BAÑOS, DUCHAS, PISCINAS, INSTALACIÓNS DEPORTIVAS E OUTROS SERVIZOS ANÁLOGOS.-

ANTECEDENTES.-

Ditame da Comisión Informativa de Economía, Facenda e Desenvolvemento Local de data 2 de setembro de 2013, que transcrito di:

“Visto o acordo adoptado polo Concello Pleno, en sesión ordinaria celebrada o día 29.07.04, referido á adxudicación do contrato correspondente á xestión indirecta mediante concesión do servizo público da piscina climatizada de Redondela.

Tendo en conta o indicado no prego de cláusulas administrativas particulares que regulan a contratación citada, así como o establecido no correspondente contrato administrativo, do día 27.09.04, con respecto á revisión de tarifas da piscina climatizada de Redondela.

Tendo en conta que as tarifas da piscina climatizada de Redondela se actualizaron o 26.10.2006 con referencia ao 1 de setembro de 2006 e dado que o IPC galego correspondente ao período



(Sinatura do Presidente)

Folio N.º

87

Serie A N.º 1179794

comprendido entre o día 01.09.06 e o día 30.11.07 foi do 4,60 por cento.

Tendo en conta que as tarifas da piscina climatizada de Redondela se actualizaron mediante publicación no BOP o día 25 de marzo de 2008 despois do acordo do 29.12.2007 e dado que o IPC galego correspondente ó período comprendido entre o 1.12.2007 e o 31.03.2011 foi de 5,1 por cento.

Tendo en conta que as tarifas da piscina climatizada de Redondela se actualizaron mediante publicación no BOP o día 22 de xullo de 2011 despois do acordo do 27.04.2011 e dado que o IPC galego corresponde ó período comprendido entre o 01.03.2011 e o 01.03.2012 foi do 2,00 por cento.

Tendo en conta que as tarifas da piscina climatizada de Redondela se actualizaron mediante publicación no BOP o día 26 de outubro de 2012 despois do acordo do 26.07.2012 e dado que o IPC galego corresponde ó período comprendido entre o 01.03.2012 e o 01.03.2013 foi do 2,40 por cento.

A Concelleira de economía, Facenda e Desenvolvemento Local propón que se aproben as taxas sen IVE, e que se aplique o que legalmente corresponda no seu momento.

A Presidencia desta Comisión Informativa proponlle o Concello Pleno a adopción dos seguintes acordos:

Primeiro.- Modificar o anexo da ordenanza fiscal reguladora da taxa por servizos de casas de baños, duchas, piscinas, instalacións deportivas e outros servizos análogos, incrementando nun 2,40 por 100 as tarifas aprobadas polo Concello Pleno o día 26.07.2012 anexo que quedará redactado do seguinte xeito:

< Anexo. Tarifa

Prezos sen IVE

1.- Cotas de inscrición:

Matrícula socio-abonado	13,76
Excedencia	6,89

2.-Socio-abonado:

	So piscina	Piscina+sala fitness
Individual adulto	18,37	25,25
Individual menor de idade	14,93	20,67
Individual xubilados con informe de Serv. Sociais	9,19	12,64
Individual xubilados sen informe de Serv. Sociais	14,93	20,67
Familiar de 2 integrantes	22,97	29,84
Familiar de 3 e seguintes	25,25	32,15
Familiar de 2 xubilados con informe	11,49	14,93
Familiar de 2 xubilados sen informe	18,37	24,12

3.- Entradas uso libre:

Sesión baño libre adulto(45)	2,87
Sesión baño libre menor de idade e xubilados (45)	2,3
Sesión baño libre+sala fitness (sen límite de tempo)	3,45

4.- Aluguer de instalacións:

Uso canle piscina Club Náutico Redondela+ Waterpolo (45)	3,45
Uso canle piscina outros clubes (45)	13,76
Uso da piscina para competicións (½ día)	172,22

	Prezo/ mes abonados	Prezo/ mes Non abonados
--	------------------------	----------------------------

5.- Actividades acuáticas:

a) Adultos:

1 día/sem	4,6	11,49
2 días/sem	9,19	22,97
3 días/sem	13,76	28,71

b) Infantil:

1 día/sem	4,6	8,6
2 días/sem	9,19	15,5
3 días/sem	13,76	25,25

c) Bebés:

1 día/sem	4,6	11,49
2 días/sem	9,19	22,97

d) Recupera:

2 días/sem	9,19	26,42
------------	------	-------



(Sinatura do Presidente)

Serie A N.º 1179795

3 días/sem	13,76	32,15
------------	-------	-------

e) Aquagym:

1 día/sem	4,6	13,76
2 días/sem	9,19	18,36
3 días/sem	13,76	29,29

6.- Cursos sala fitness:	abonados	Non abonados
Cursos sala fitness/ 1 día semana	4,6	11,49
Cursos especiais/ 1 día semana	6,89	17,23

7.- Entrenos personalizados:	Prezo/mes
Fitness (so para abonados)	10,34
Natación (so para abonados)	10,34
Combinado: fitness + natación (So para abonados)	13,76

8.- Servizo saúde:	abonados	Non abonados
Tratamento fisioterapia e derivados/ sesión	17,23	17,23
Servizos médicos	34,45	34,45

9.- Outros:	
Seguro médico accidentes (voluntario)	25,25
Substitución tarxeta socio	2,3
Devolución de recibos bancarios	1,73

	abonados	Non abonados
Sesión solarium:	3,33	4,13
Bono 10 sesións solarium	30,99	36,73

Segundo.-Expoñer ao público o expediente administrativo referido á modificación da ordenanza fiscal citada durante o prazo de trinta días hábiles, dentro dos cales os interesados, debidamente lexitimados, poderán examinar o expediente administrativo e presentar por escrito as reclamacións que estimen oportunas.

NUMERADO
CORPORACIÓN
LOCAIS

Rematado o período de exposición ao público adoptaranse, polo Concello Pleno, os acordos definitivos que procedan resolvendo as reclamacións no seu caso presentadas e aprobando a redacción definitiva da modificación da ordenanza fiscal. Se non fora presentada ningunha reclamación no prazo citado entenderase definitivamente adoptado o acordo ata entón provisorio, sen necesidade de novo acordo plenario.

Terceiro.-Autorizar ós Servizos correspondentes, para unha vez aprobada definitivamente esta modificación proposta, se proceda á refundición da devandita Ordenanza Fiscal.

Cuarto.-Facultar ó alcalde-Presidente ou Concelleiro en quen delegue, para levar a cabo tódolos trámites necesarios para a consecución deste fin.

Votacións e ditame. A comisión informativa de Economía, Facenda e Desenvolvemento Local, en votación ordinaria, e con votos a favor de todos os grupos, estimaron oportuno ditaminar favorablemente a proposta."

INTERVENCIÓNS.-

O concelleiro BLANCO PÉREZ di que van a votar en contra porque tampouco están de acordo con algunhas cuestións e cambios de actividades que se realizan na piscina.

A concelleira PÉREZ ORGE di que a revisión está no prego e o concesionario ten dereito a ela, polo que consideran que non se pode votar en contra.

No mesmo sentido pronuncíase o concelleiro REGUERA OCAMPO .

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./Sras. concelleiros/as, sendo vinte votos a favor (10 do PP, 8 do PSdeG-PSOE, e 2 do BNG) e un voto en contra (1 de AER) aprobou, nos seus propios termos, o ditame da Comisión Informativa de Economía, Facenda e Desenvolvemento Local, nos antecedentes transcrito.-

5.- APROBACIÓN PROVISIONAL DA ORDENANZA FISCAL REGULADORA DA TAXA POLA UTILIZACIÓN DE INSTALACIÓNS DEPORTIVAS MUNICIPAIS POR PEREGRINOS.-

ANTECEDENTES.-

Visto o ditame da Comisión Informativa de Economía, Facenda e Desenvolvemento Local de data 2 de setembro de 2013, que transcrito di:

"Unha das manifestacións máis democráticas existentes nas leis que nós outorgamos é a de que as prestacións patrimoniais que deban ser soportadas polos cidadáns para o financiamento das súas Administracións Públicas sexan aceptadas, aprobadas e reguladas por nós mesmos, a través dos nosos representantes.

Á súa vez, as Administracións Públicas teñen como única finalidade a satisfacción do interese xeral. O cumprimento desta satisfacción realízase, principalmente, e entre outras medidas, a través da prestación de servizos. A partir deste punto, para a prestación de servizos, o concello debe contar con recursos para poder afronta-la prestación destes servizos.

Neste caso trátase de aprobar a Ordenanza fiscal reguladora da taxa reguladora da taxa pola utilización de instalacións deportivas municipais por peregrinos.

O Concello de Redondela, está a albergar peregrinos, para os que se lles deixa as instalacións deportivas que existen no Concello, sen que ata este momento se estea a cobrar nada por dita ocupación.

A ocupación destes peregrinos ocasiona gastos o Concello, derivados do mantemento, limpeza, conserxes,....

É estas son as motivacións que levan a propor a esta Comisión Informativa de Economía, Facenda e Desenvolvemento Local:

PRIMEIRO.- A aprobación provisional da da Ordenanza fiscal reguladora da taxa pola



(Selo da Corporación)

(Sinatura do Presidente)

Folio N.º

Serie A N.º 1179796

utilización de instalacións deportivas municipais por peregrinos.

SEGUNDO.- Faculta-lo alcalde-Presidente ou Concelleiro en quen delegue, para levar a cabo tódolos trámites necesarios para a consecución deste fin.

TERCEIRO.- Autoriza-los Servizos correspondentes, para unha vez, de ser o caso, aprobada definitivamente esta modificación proposta, se proceda á apertura do correspondente arquivo da ordenanza para as posteriores refundicións por modificacións parciais da mesma"

Votacións e ditame.- A comisión informativa de Economía, Facenda e Desenvolvemento Local, en votación ordinaria, e con votos a favor de todos os grupos, estimaron oportuno ditaminar favorablemente a proposta."

INTERVENCIÓNS.-

A concelleira PÉREZ ORGE pregunta se se modificou a proposta segundo o acordado na comisión, respostándolle a concelleira de Facenda que si.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./Sras. concelleiros/as, sendo vinte e un votos a favor (10 do PP, 8 do PSdeG-PSOE, 2 do BNG e 1 de AER) aprobou, nos seus propios termos, o ditame da Comisión Informativa de Economía, Facenda e Desenvolvemento Local, nos antecedentes transcrito.-

6.- APROBACIÓN PROVISIONAL DA MODIFICACIÓN DA ORDENANZA FISCAL REGULADORA DA TAXA POR INSTALACIÓN DE QUIOSCOS NA VÍA PÚBLICA.-

ANTECEDENTES.-

Ditame da Comisión Informativa de Economía, Facenda e Desenvolvemento Local de data 2 de setembro de 2013, que transcrito di:

"Unha das manifestacións máis democráticas existentes nas leis que nos outorgamos é a de que as prestacións patrimoniais que deban ser soportadas polos cidadáns para o financiamento das súas Administracións Públicas sexan aceptadas, aprobadas e reguladas por nos mesmos, a través dos nosos representantes.

Á súa vez, as Administracións Públicas teñen como única finalidade a satisfacción do interese xeral. O cumprimento desta satisfacción realízase, principalmente, e entre outras medidas, a través da prestación de servizos. A partir deste punto, para a prestación de servizos, o concello debe contar con recursos para poder afronta-la prestación destes servizos.

Neste caso trátase de modificar a Ordenanza fiscal reguladora da taxa reguladora da taxa por instalación de quioscos na vía pública, recollendo que nos casos de licitación pública, o importe a satisfacer polo contribuínte será o do canon anual, establecido na adxudicación. De non fixarse canon, o importe seguirá sendo o da taxa.

É estas son as motivacións que levan a propor a esta Comisión Informativa de Economía, Facenda e Desenvolvemento Local:

PRIMEIRO.- A aprobación provisional da modificación da Ordenanza fiscal reguladora da taxa por instalación de quioscos na vía pública

SEGUNDO.- Faculta-lo alcalde-Presidente ou Concelleiro en quen delegue, para levar a cabo tódolos trámites necesarios para a consecución deste fin.

TERCEIRO.- Autoriza-los Servizos correspondentes, para unha vez, de ser o caso, aprobada definitivamente esta modificación proposta, se proceda á apertura do correspondente arquivo da ordenanza para as posteriores refundicións por modificacións parciais da mesma.

Votacións e ditame.- A comisión informativa de Economía, Facenda e Desenvolvemento Local, en votación ordinaria, e con 8 votos a favor (4 do PP, 3 do PSdeG-PSOE e 1 do BNG), e unha abstención de AER, estimaron oportuno ditaminar favorablemente a proposta."



NUMERADO
CORPORACIÓNS
LOCAIS

INTERVENCIÓNS.-

O concelleiro BLANCO PÉREZ, di que están de acordo aínda que queren deixar constancia de que debe definirse claramente o que é un quiosco.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./Sras. concelleiros/as, sendo vinte e un votos a favor (10 do PP, 8 do PSdeG-PSOE, 2 do BNG e 1 de AER) aprobou, nos seus propios termos, o ditame da Comisión Informativa de Economía, Facenda e Desenvolvemento Local, nos antecedentes transcrito.-

7.- ADOPCIÓN DE ACORDO S/ FIXACIÓN FESTAS LOCAIS ANO 2014.-

ANTECEDENTES.-

Ditame da Comisión Informativa de Interior de data 2 de setembro de 2013, que transcrito di:

"Visto o escrito do Servizo de Traballo e Economía Social da Xefatura Territorial Vigo da Consellería de Traballo e Benestar solicitando se faga proposta de festas locais para o ano 2014

Vistos os artigos 37.2 do Real Decreto Lexislativo 1/1995, do 24 de marzo, polo que se aproba o texto refundido da Lei do Estatuto dos Traballadores, 45 e 46 do Real Decreto 2001/1983, do 28 de xullo, declarado vixente pola disposición derogatoria única do Real Decreto 1561/1995, do 21 de setembro, sobre xornadas especiais de traballo

Visto o Decreto de Galicia 127/2013, do 1 de agosto, polo que se determinan as festas da Comunidade Autónoma de Galicia do calendario laboral para o ano 2014 así como as festas previstas no ámbito estatal.

Esta Presidencia, en virtude do que antecede, propón á comisión informativa de interior que ditamine favorablemente a adopción polo Concello Pleno dos seguintes acordos:

Primeiro.- Fixar como Festas Locais para o ano 2014 as seguintes:

28 de abril - LUNS DO CRISTO

19 de xuño - XOVES DA COCA

Segundo.- Achegar o presente acordo ao Servizo de Relacións Laborais do Departamento Territorial de Vigo da Consellería de Traballo e Benestar para a súa remisión antes do día 30 de setembro de 2013.

Deliberación: (...)

Votación e acordo: Na súa consecuencia, a Comisión Informativa de Interior en votación ordinaria e por maioría dos Sres. Asistentes acorda informar favorablemente a proposta transcrita, cos votos favorables dos Sres. González Barbeiro, Álvarez Ballesteros, Quelle Fernández e Crespo López do grupo municipal do PP, dos Sres. Cabaleiro Millares, García Míguez e Reguera Ocampo e coa votación en contra do Sr. Blanco Pérez, do grupo municipal AER e coa votación en contra do Sr. González Campo, do grupo municipal do BNG."

INTERVENCIÓNS.-

O concelleiro BLANCO PÉREZ di que queren cambiar o Luns do Cristo polo Martes de Carnaval, que ten moito arraigo en Redondela. Considera que isto non impediría a celebración da procesión do Cristo que faise ás oito da tarde.

O concelleiro GONZÁLEZ CAMPO di que mantén a proposta que fixo na comisión de Interior e solicitan que se fixe o 24 de xuño como festa local posto que ten un importante valor cultural e histórico vencellado á recuperación de determinadas tradicións.

O concelleiro REGUERA OCAMPO di que van a apoiar a proposta do goberno.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as



(Selo da Corporación)

(Sinatura do Presidente)

Folio N.º

Serie A N.º 1179797

Sres./Sras. concelleiros/as, sendo dezaioito votos a favor (10 do PP e 8 do PSdeG-PSOE) e tres votos en contra (2 do BNG e 1 de AER) aprobou, nos seus propios termos, o ditame da Comisión Informativa de Interior, nos antecedentes transcrito.-

8.- APROBACIÓN INICIAL DA MODIFICACIÓN DO ARTIGO 6 DO REGULAMENTO REGULADOR DO CONSELLO FORESTAL MUNICIPAL.-

ANTECEDENTES.-

Ditame da Comisión Informativa de Medio Ambiente e Sanidade, de data 2 de setembro de 2013, que transcrito di:

"Con data 6 de agosto de 2013 o Pleno do Consello Forestal Municipal, no uso da competencia recollida no apartado f) do artigo 4 do seu Regulamento formulou proposta no sentido de modificar o artigo 6 de xeito que permita a todas as comunidades de montes veciñais en man común contar con un representante no Consello, en lugar dos 5 que actualmente representan ao total das 12 comunidades.

De acordo co exposto, o Concelleiro de Medio Ambiente propón ao Consello Pleno a adopción do seguinte acordo:

Modificar o parágrafo artigo 6 do Regulamento do Consello Forestal Municipal (B.O.P. n.º 44, do 2 de marzo de 2007) referido á representación das comunidades de montes do Concello, que quedaría redactado como segue: "Un representante de cada comunidade de montes existente no Concello"

A Comisión Informativa de Medio Ambiente e Sanidade, en votación ordinaria e por maioría dos asistentes, coa abstención do Concelleiro do BNG (1) e o voto afirmativo dos concelleiros do PPdeG (3) do PSdeG-PSOE (3) e AER (1), acordou ditaminar favorablemente a proposta transcrita."

INTERVENCIÓNS.-

O concelleiro GONZÁLEZ CAMPO di que o BNG impulsou os consellos parroquiais e distintos mecanismos de participación. Parécelles que debería manterse a representación que ten dado que non queda amosado que unha nova fórmula sexa máis eficiente. Sinala que un consello con 20 membros non sería operativo, por iso van manter a postura que tiveron na comisión. Pensa que o contrario suporía reproducir os problemas existentes na Mancomunidade de Montes.

O concelleiro REGUERA OCAMPO di que están a favor da proposta.

O concelleiro ÁLVAREZ BALLESTEROS di que con só cinco representantes tamén era pouco operativo xa que non se reunían dende o ano 2009.

O concelleiro GONZÁLEZ CAMPO di que ao PP non lle interesa que ningún consello funcione e con isto agora vai a ser menos operativo. Pensa que hai que acadar puntos de acordo entre as comunidades pero iso vai ser difícil cun consello con tanta xente. Non queren ter responsabilidade no fracaso e non entende a postura do PSOE.

O concelleiro REGUERA OCAMPO di que se é a proposta coa que están de acordo as comunidades, están de acordo.

O concelleiro ÁLVAREZ BALLESTEROS di que dende que gobernan teñen posto en marcha numerosos consellos, comisións ...etc que antes non funcionaban.

VOTACIÓN E ACORDO.-

Sometido o asunto a votación, o Consello Pleno, en votación ordinaria e por maioría dos/as Sres./Sras. concelleiros/as, sendo dezanove votos a favor (10 do PP, 8 do PsdeG-PSOE e 1 de AER)) e dúas abstencións (2 do BNG), aprobou, nos seus propios termos, o ditame da Comisión Informativa de Medio Ambiente e Sanidade, nos antecedentes transcrito.-

9.- ACTIVIDADES DE CONTROL DE PLENO:

9.1.- DAR CONTA RESOLUCIÓNS DA ALCALDÍA.-

Dáse conta das Resolucións da Alcaldía dende o día 19 de xullo ao 30 de agosto de 2013.

O Pleno do Concello queda enterado.-

9.2.- MOCIÓNS.-

VOTACIÓN PREVIA DE URXENCIA DE DÚAS MOCIÓNS DO BNG

O concelleiro GONZÁLEZ CAMPO xustifica a urxencia polo ataque inminente por parte dun estado norteamericano e queren expresar o seu rexeitamento.

En canto ao campo de fútbol do Viso se tratou no consello parroquial e consideran que é urxente tratalo.

Sometida a votación a declaración de urxencia respecto das dúas mocións, estas son así declaradas por unanimidade dos/as Sres./Sras. concelleiro/as, sendo vinte e un votos a favor (10 do PP, 8 do PsdeG-PSOE, 2 do BNG e 1 de AER).

9.2.1.- MOCIÓN DO GRUPO MUNICIPAL DO PARTIDO POPULAR, S/ TERRORISMO EN GALICIA.-

ANTECEDENTES.-

Moción presentada polo grupo municipal do Partido Popular de Redondela, no Rexistro Xeral do Concello con data 29 de agosto de 2013, que transcrita di:

“ÚNICO.- A partir do ano 2006 Galicia está padecendo violentos actos de terrorismo cuxa autoría a banda Resistencia Galega ten reivindicado en varios casos. Entre eles están múltiples atentados consistentes na colocación e detonación de diversos artefactos explosivos e incendiarios en sedes de partidos políticos, organizacións sindicais ou empresariais, entidades financeiras, empresas, administracións públicas, etc; así como nas vivendas de persoas relacionados co ámbito xudicial, universitario ou político.

Os partidos democráticos defendemos a dignidade do ser humano e os dereitos e liberdades que lle son inherentes, especialmente o dereito á vida e á integridade física e moral e promovemos a democracia e o Estado de Dereito como base dunha convivencia en pluralismo, liberdade e igualdade. En consecuencia, opoñémonos e condenamos o uso da violencia para defender calquera tipo de posicionamento ou postulado político ou ideolóxico e tamén rexeitamos calquera tipo de declaración ou acción que lexitime ou xustifique o terrorismo.

Por todo o anterior, o Grupo Municipal do Partido Popular no concello de Redondela eleva ao Pleno a adopción dos seguintes acordos:

Manifestamos o noso rexeitamento e condena ao terrorismo, e en particular ao levado a cabo por Resistencia Galega.

Solidarizámonos coas vítimas destes atentados e apoiamos ás Forzas e Corpos de Seguridade na súa tarefa de posta a disposición da Xustiza dos responsables destas actos.

Rexeitamos calquera tipo de acción ou declaración que xustifique, ampare ou lexitime a violencia terrorista, especialmente se proceden de representantes públicos.”

INTERVENCIÓNS.-

O concelleiro BLANCO PÉREZ di que se toma moi en serio o tema de terrorismo e non están de acordo en que se utilice politicamente. Non están especialmente de acordo co primeiro punto da moción xa que hai outros grupos que fan accións máis reprobables. Están de acordo co segundo e en canto ao terceiro creen que se poden facer extensivo a outras actitudes que apoian a outros grupos ou réximes segundo a definición que do terrorismo da o dicionario. Refírese a actitudes recentes dalgúns membros do PP (Novas Xeracións de Xátiva, Gandía...etc) defendendo o nazismo ou cousas que se fixeron trala segunda guerra mundial e que tamén poden cualificarse de actos terroristas.

Serie A N.º 1179798

A concelleira PÉREZ ORGE di que pensou que o PP non ía presentar esta moción que xa ven noutros concellos dende o mes de xuño. A cualifica de "despropósito". Di que o BNG rexeita e rexeitou sempre a violencia pero non poden aceptar un terrorismo inventado en Galicia polo PP. Con esta moción, utilizan o terrorismo como coartada para tapar outros problemas e para demonizar a determinadas organizacións políticas e sociais que están saíndo a rúa a protestar por esa violencia que están levando a cabo tanto o goberno de Galicia, como o do Estado, e a Unión Europea. Sinala que en todo momento se intenta criminalizar a movementos políticos e sociais que non están de acordo co que están a facer. Di que o BNG continuará sempre a condenar actos violentos e considera que en Galicia a xente non é consciente de que haxa un problema de terrorismo porque está preocupada por outras moitas cousas, principalmente porque haxa traballo.

O concelleiro ORGE MÍGUEZ di que van na mesma liña que os anteriores e que esta moción resposta a un incidente con Beiras que estoupou e dixo algo que non debería dicir en relación aos actos de Resistencia Galega. Lle parece de pedregullo que os partidos democráticos rexeiten o terrorismo pero considera que a moción contén unha trampa xa que trata de criminalizar todo o nacionalismo que non sexa o español que tamén foi o que máis mortes causou. Por iso estima que poderíanse incluír outras moitas cousas na moción e que en Galicia o fenómeno do terrorismo é illado. Propón que o punto 1 remate en "terrorismo".

A concelleira PARIS BLANCO di que a moción recolle algo que existe, xa que certas persoas están agora sendo xulgadas como membros dun grupo terrorista. Considera que non se pode misturar o asunto con outras cousas, porque eles están falando só de Galicia e aínda que en Redondela non pasara nada non quere dicir que o problema non se dea noutros concellos. En canto aos membros do PP que mantiveron certas actitudes ás que se fixo mención, di que non quedarán impunes, xa que serán castigados internamente de acordo coas regras do propio partido. Non entende como poden dicir que a única violencia que existe en Galicia é a do PP. Indica que condenaron o franquismo tanto no parlamento galego como no español.

O concelleiro BLANCO PÉREZ di que os membros de Resistencia Galega son, polo de agora, inocentes. Facilita uns datos que indican que as preocupacións principais dos españois son primeiro o paro, despois o fraude e nembargantes o terrorismo está no posto 23. Nembargantes no punto 4 están os políticos.

A concelleira PÉREZ ORGE di que tamén poderían traer unha moción en contra da corrupción no PP que ten moitos procesos abertos. Pensa que tratan de desviar a atención dos graves problemas do país e que é violencia estar no paro e que che recorten as prestacións, que os fillos teñan que emigrar, que haxa corruptos políticos aos que non lles vai a pasar nada, a estafa bancaria, non ser atendido na saúde polos recortes....etc. Di que ás veces ao PP écheselle a boca falando de democracia pero realmente quedálles moi grande.

O concelleiro ORGE MÍGUEZ di que o alcalde de Baralla dixo que os fusilados e represaliados do franquismo algo farían e non lle ten pasado nada, segue no seu posto. Di que é o mesmo criterio que a voceira do PP utiliza para xustifica-la moción: algo farían porque os están a xulgar na Audiencia Nacional. Non lle vale o argumento xa que de momento considera que non existe en Galicia un movemento armado de liberación.

A concelleira PARIS BLANCO di que o xuízo está xa visto para sentenza. Sinala que as preocupacións dos cidadáns van en función do intre no que se atopa o país. Di que a moción non ten máis intencionalidade que a que expresa a súa literalidade. Lee unhas afirmacións do fiscal que leva o asunto dicindo que non se trata de criminalizar o independentismo senón a violencia e que os actos non poden cualificarse de "terrorismo de baixa intensidade".

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./Sras. concelleiros/as, sendo dez votos a favor (10 do PP) e once votos en contra (8 do PsdeG-PSOE, 2 do B.N.G. e 1 de AER), rexeitou a Moción do Grupo Municipal do PP, nos antecedentes transcrita.-

9.2.2.- MOCIÓN DO GRUPO MUNICIPAL DE A.E.R. SOBRE O VERTEDOIRO DA MARISMA.-

ANTECEDENTES.-

Moción presentada polo Grupo Municipal de A.E.R., no Rexistro Xeral do Concello, con data 30 de agosto de 2013, que transcrita di:

"Ao pouco de incorporarnos a esta corporación, tras as eleccións de 2011, interesámonos pola situación do vertedoiro da Marisma. Tardamos en contar co expediente para poder concretar as datas do selado e as condicións de conservación e mantemento que deberían terse en conta.

Recibido dito expediente, procedemos a preguntar polos informes correspondentes ás prescricións que se establecían no proxecto: "Plan de Seguimento Ambiental".

Neste faise mención a:

Datos meteorolóxicos: periodicidade mensual.

Datos de emisión; auga, lixiviados e gases: periodicidade semestral.

Asentamento do terreo e capa de selado: periodicidade anual.

Elementos instalados:

5. Sistema de drenaxe de pluviais: periodicidade bimestral e tras períodos de fortes choivas.

6. Sistema de desgasificación: periodicidade semestral.

7. Sistema de lixiviación: bimestral.

8. Cerramento perimetral: bimestral.

Rexeneración ambiental

10. Herbáceas: periodicidade ao mes da semente.

11. Arbóreas: periodicidade ou tras períodos de fortes choivas.

12. Reportaxe fotográfica: periodicidade semestral.

Pois ben, 10 anos despois do selado non existía no Concello informe algún sobre este seguimento prescrito no proxecto, nin constaba que se fixese seguimento algún.

Parece que o noso interese deu lugar a que se puxese en marcha un proxecto que nos permita saber cal é o estado dese vertedoiro do que "gozamos" en pleno centro de Redondela, mesmamente na zona escolar e deportiva.

Claro que ese proxecto tardou dous anos en concretarse e, por fin, uns once anos despois do selado dese montón de "lixo", por fin, con data de 17 de xaneiro de 2013, dispoñemos dun informe sobre a situación realizado polas empresas OCA Socotec e Esgan.

En dito informe podemos atopar as seguintes recomendacións:

Planificar e realizar labores periódicas de mantemento da canle de pluviais.

Facer limpeza da arqueta de lixiviados e observar se realmente se produce lixiviado.

Control, eliminación e contención de xestas, acacias e especies arbóreas que acadando certo porte, poden chegar a deteriorar a lámina de impermeabilización.

Dado que existe un crecemento de maleza importante e que a actividade bioquímica semella ser case anecdótica, sería necesario revisar a necesidade de mantelo pechado.

En outras instalacións destas características, tense dado un uso recreativo (paseo, ou similar).

PROPOSTA DE ACORDO

1.- Realización dun estudo definitivo que determine a necesidade de manter pechado este montón de lixo ou se se pode proceder á revisión da súa situación.



(Selo da Corporación)

(Sinatura do Presidente)

Folio N.º

Serie A N.º 1179799

2.- Consensuar un proxecto de aproveitamento público da zona consonte co entorno educativo-deportivo."

INTERVENCIÓNS.-

O concelleiro GONZÁLEZ CAMPO di que valoran positivamente a moción porque o seu selado fíxose hai 10 anos e tense producido unha certa rexeneración da zona. Parécelles importante todos os pasos que se dean para a recuperación da Marisma.

O concelleiro REGUERA OCAMPO di que apoian a moción porque consideran preciso recuperar esa zona para o esparramento do alumnado de centros próximos e para a cidadanía en xeral.

O concelleiro ÁLVAREZ BALLESTEROS di que dende que foi selado non se fixo nada e agora veñen a facer propostas. Sinala que en xaneiro de 2011 se pediu á Xunta un convenio para a vixilancia, convenio que non estaba no Concello e solicitaron e se lles entregou en 2012. Indica que non facían nada e agora veñen a dicir que se fagan as cousas, polo que maniféstase abraiado.

O concelleiro BLANCO PÉREZ di que non van a entrar en quen ten máis ou menos culpa xa que o que queren é que se arranxe a zona e poida ser utilizada pola cidadanía.

O concelleiro GONZÁLEZ CAMPO di que non é cuestión de botarse as culpas senón de remitirse aos feitos. Di que o goberno que selou o vertedoiro foi o bipartito aínda que o PP puido facelo antes. Indica que o BNG recuperou unha parte importante do río Pexegueiro.

O concelleiro ÁLVAREZ BALLESTEROS di que hai que sacar conclusións positivas. Apoian a moción aínda que están esperando a ter indicacións de como se pode actuar en toda a zona de xeito integral. Considera que haberá que consensuar o proxecto. Enmenda punto 2 unha vez que se teña a resposta da Consellería.

O concelleiro BLANCO PÉREZ di que deixan a moción como estaba.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./Sras. concelleiros/as, sendo vinte e un votos a favor (10 do PP, 8 do PSdeG-PSOE, 2 do BNG e 1 de AER) aprobou, nos seus propios termos, a Moción do Grupo Municipal de A.E.R., nos antecedentes transcrita.-

9.2.3.- MOCIÓN DO GRUPO MUNICIPAL DE A.E.R., S/ REPAROS INTERVENCIÓN.-

ANTECEDENTES.-

Moción presentada polo Grupo Municipal de A.E.R., no Rexistro Xeral do Concello, con data 30 de agosto de 2013, que transcrita di:

"Visto o informe sobre os orzamentos pechados de 2012 e observando que o número de reparos achégase a 58, dos cales temos agora coñecemento, e que como podemos ler no informe da conta xeral, advírtese, como é lóxico, "que en ningún caso deba deducirse valoración algunha da xestión realizada polos órganos responsables da mesma ..."

("A aprobación da Conta Xeral é un acto esencial para a fiscalización desta polos órganos de control externo, que non require a conformidade coas actuacións reflectidas nela, nin xera responsabilidade por razón das mesmas").

Pero esta valoración dos resultados da xestión pública, posta de manifesto precisamente nos estados e contas anuais, corresponde, en primeira instancia, ós órganos xestores encargados da xestión e control político, e, en última, ó conxunto dos cidadáns.

Entendemos que non é suficiente unha valoración a posteriori dos feitos consumados e que para facilitar a labor de control en prol dunha POLÍTICA REAL DE TRANSPARENCIA E PARTICIPACIÓN cumpre artellar os mecanismos necesarios para esa participación ligada ineludiblemente a unha información permanente.

Por todo isto PROPOÑEMOS o seguinte ACORDO:

En calquera dos actos suxeitos a informe de intervención que teña como resultado un informe de reparo, este será inmediatamente comunicado aos voceiros dos grupos políticos así como a preceptiva resposta de levantamento, ou non, de dito reparo."

INTERVENCIÓNS.-

A concelleira PÉREZ ORGE di que están de acordo aínda que non sabe se suporá unha maior carga de traballo para a Intervención.

O concelleiro ORGE MÍGUEZ di que isto está na vontade do alcalde xa que o control está nas resolucións da Alcaldía. Considera que hai reparos con maiúsculas ou con minúsculas e deberá saír do alcalde se o comunica á oposición. O que consta na moción parécelle excesivo tendo en conta o día a día do Concello, xa que un reparo non significa quedar ás portas do inferno.

A concelleira ALONSO ALONSO di que esta moción da pe a facer unha reflexión. Indica que coa conta xeral entréganse todos os reparos e é máis doado analizalos xa que para iso é precisamente dita conta. Refírese ás porcentaxes dos reparos nos últimos anos: 84% no 2007, ningún no 2008 e 2009, 12 no 2010 e 47 no 2011 (o primeiro deles en abril coa chegada do Interventor). Indica que se reparan sempre as nóminas, polo tema da produtividade. Tamén as subvencións nominativas son reparadas, constituíndo un 20% dos reparos aínda que no 2013 as incorporaron ao orzamento. Tamén o 18% de recoñecementos extraxudiciais de crédito por servizos prestados por terceiros que hai que pagar en todo caso. Incluso se reparan algúns procedementos cando non está completa a documentación.

O concelleiro BLANCO PÉREZ di que no caso do Lolapop formuláronse reparos dos que se deron conta ao aprobar a conta xeral. Refírese tamén a outros reparos e considera que algúns son máis importantes que outros.

O alcalde sinala que os reparos están recollidos nas Resolucións da Alcaldía que veñen ao pleno todos os meses.

O concelleiro BLANCO PÉREZ di que está de acordo en retirar a moción a fin de que se estude o tema.

A concelleira PÉREZ ORGE di que o problema é que no pleno non se pode falar sobre as resolucións.

O concelleiro ORGE MÍGUEZ di que a concelleira de Facenda non falou da moción porque non se trata dunha causa xeral en relación aos reparos. Sinala que a concelleira de Facenda deixou caer que houbo cero reparos cando houbo unha interventora accidental.

A concelleira ALONSO ALONSO di que se explicou mal. Considera que os reparos están ligados aos criterios de cada interventor no Concello. Di que van a seguir existindo a non ser que se cambien os criterios que se levan ata o de agora. A xestión do Concello esixe que se levanten eses reparos. Considera que a carga para Intervención é excesiva. Comprométese a dar explicacións e tamén a facilita-los reparos que se produzan no caso de que a oposición o demande ou cando exista un reparo importante.

A proposta do concelleiro BLANCO PÉREZ, foi retirada a Moción da Orde do Día da presente sesión.-

9.2.4.- MOCIÓN PRESENTADA POLO GRUPO MUNICIPAL DO B.N.G., S/ MEDIDAS PARA PALIAR OS DANOS CAUSADOS POLA VAGA DE LUMES E NOVA POLÍTICA CONTRA OS INCENDIOS.-

ANTECEDENTES.-

Moción presentada polo Grupo Municipal do B.N.G., no Rexistro Xeral do Concello, con data 2 de setembro de 2013, que transcrita di:

"Os incendios forestais son froito de décadas de políticas de fomento do abandono das



(Sinatura do Presidente)

Folio N.º

Serie A N.º 1179800

actividades agrarias e gandeiras tradicionais, da especialización da Galiza en cultivos forestais de crecemento rápido, cuns montes en moitos casos en estado de abandono, de caos urbanístico e falta de ordenación de territorio e de despoboamento progresivo do noso medio rural.

A política forestal e agrogandeira do PP non só é destrutiva coas potencialidades do agro galego, ao expandir a desertización e abandono de amplas zonas do territorio e tamén permitir a introdución de masas forestais con especies pirófitas (como o piñeiro e o eucalipto) en zonas próximas aos asentamentos de poboación, senón que ademais contribúe a alimentar os factores que propician os incendios forestais.

Ao longo de moitos anos, os sucesivos gobernos do PP destinaron inxentes fondos económicos a subvencionar o abandono da actividade agraria, co que moitas comarcas do país ficaron desertas e o seu territorio, ao carecer de actividade agraria, abandonado ao mato, sen un mínimo cultivo e propiciando con iso a propagación explosiva de incendios forestais. O mapa das zonas máis afectadas polos incendios dá proba diso, a incidencia dos lumes é moito menor nas comarcas onde a actividade agraria mantén unha presenza relevante, co que esta política de incentivos para cesar no traballo no agro aumentou gravemente o risco e proliferación de incendios forestais en amplas zonas do país.

O actual Goberno galego acometeu medidas que agravaron a desprotección do territorio e das persoas ante a ameaza dos incendios forestais.

Por unha banda promoveu medidas lexislativas consistentes na eliminación ou redución considerábel das distancias de separación das plantacións forestais aos núcleos rurais, na autorización de novo das plantacións de masas continuas de especies pirófitas, na supresión de faixas de especies frondosas que actuaban de corta lumes, ou na eliminación de medidas que pretendían implicar á poboación na xestión e defensa do monte, como son a desaparición do voluntariado do monte ou das axudas para brigadas de prevención das propias comunidades de montes, entre outras.

Por outra banda, os recortes indiscriminados aplicados polo PP desde 2009 tamén afectan de cheo a un dispositivo de emerxencias e seguridade, como é o da loita contra o lume, que retornou a un nivel de recursos similar ao de hai unha década, agravado por unha nefasta xestión administrativa que demorou o seu desenvolvemento até moi avanzada a época de alto risco, así como a case total eliminación de actuacións preventivas básicas, e finalmente, retomou un modelo de dispositivo fracasado, co regreso de brigadas municipais, sen unhas mínimas esixencias profesionais e que favorecen a fragmentación do mando único do dispositivo.

O monte volve estar desprotexido, o PP teima en políticas que arredan a poboación do rural da xestión e a implicación vital e económica co monte, e que favorecen un modelo produtivo intensivo sen ter en conta unha mínima ordenación dos cultivos. Como resultado, hai máis combustíbel nos montes e terras de cultivo que nunca, hai máis perigo preto de núcleos poboados polo abandono fomentado das terras agrarias que circundan os núcleos de poboación e mesmo por conceder de novo axudas públicas á forestación de terras agrarias a menor distancia dos asentamentos rurais.

Á vista disto, non cabe parapetarse exclusivamente no proceder delitivo de pirómanos e incendiarios. A investigación e persecución dos autores dos incendios é inescusábel e tamén prioritaria, mais tamén o son a adopción de políticas e medidas que preveñan e minimicen os efectos dos incendios forestais. A política contra os lumes forestais dos gobernos do PP baséase exclusivamente en apagar lumes, mesmo de xeito deficiente dadas as restricións orzamentarias aplicadas aos servizos de extinción, tamén a custa dunha falsa austeridade que se emprega para afogar o financiamento de servizos públicos básicos ao tempo que se prodiga en rescatar con fondos públicos á banca. Non hai política forestal preventiva, planificación de cultivos, ordenación territorial, colaboración coa veciñanza do medio rural para vixiar e protexer o monte, hai unha fuxida e un desenfoque

dos problemas reais do monte e do medio rural, cinguindo a loita contra os lumes forestais a unha cuestión de orde pública, o que, sen dúbida, fará que persistan os incendios forestais como



NUMERADO
CORPORACIÓNS
LOCAIS

unha enfermidade crónica para Galiza.

Por todo o dito, propomos ao Pleno a adopción dos seguintes ACORDOS

1º.- Dirixirse a Xunta de Galiza para revisar de xeito inmediato o dispositivo de defensa contra incendios forestais e que, conxuntamente co goberno do Estado, implemente de maneira urxente as medidas necesarias dirixidas a paliar os danos causados pola vaga de lumes e contribuír a súa extinción.

2º.- Dirixirse a Xunta de Galiza para que implemente as medidas necesarias para a recuperación do monte afectado pola vaga de incendios e para poñer en marcha unha nova política que teña como eixos:

Unha nova política forestal, orientada á ordenación dos espazos forestais facéndooos compatíbeis con outras actividades agrarias, á diversificación de especies e á diversificación de aproveitamentos económicos dos montes.

O impulso dunha política preventiva contra os incendios forestais, eliminando os incentivos á forestación de terras agrarias e ampliando as zonas de protección dos núcleos rurais, adoptando as medidas precisas para asegurar un cumprimento rigoroso da limpeza da biomasa forestal nestas zonas.

Unha nova política que permita operar na propiedade das terras agrarias e forestais favorecendo a mobilidade e fórmulas de explotación colectiva.

Unha política de intervención no medio rural que pule pola reactivación socioeconómica da actividade agraria e corrixa a tendencia ao progresivo despoboamento.

A renuncia á política de recortes orzamentarios en servizos públicos básicos como da prevención e extinción de incendios forestais, asegurando recursos para poder acometer tanto un dispositivo axeitado como despregar accións preventivas no monte no marco dunha nova política forestal.

Unha maior tecnificación e profesionalización dos servizos de prevención e extinción de lumes.

3º.- Solicitar da Xunta de Galiza a que, en colaboración co Goberno central, poña en marcha un programa de axudas para paliar os danos ocasionados polos incendios forestais na vaga de agosto de 2013, consistente en:

Restabelecemento de infraestruturas públicas e privadas afectadas (viarias, canalizacións hidráulicas, tendidos eléctricos, de telecomunicacións etc)

Reposición de cultivos, instalacións e infraestruturas agrarias afectadas polo lume.

Reparación de vivendas e construcións auxiliares afectadas.

Actuacións de protección do solo queimando, para paliar os efectos da erosión e prever o arrastre de terreo vexetal aos sistemas fluviais e marítimos.

INTERVENCIÓNS

O concelleiro BLANCO PÉREZ di que están a favor da moción.

O concelleiro REGUERA OCAMPO di que tamén están a favor porque lles parece insultante que o Presidente Feijoo fale dunha campaña de incendios "magnífica". Sinala que están a arder zonas de alto valor ecolóxico e tamén habitadas. Estima que non se fixo prevención polos recortes brutais da Xunta neste eido. Indica que un dos problemas foi o atraso na contratación dos operativos nos Concellos e que Redondela está nunha situación complicada xa que non ten nin Grumir nin brigadas contra o lume. Non se fixo ningunha prevención e nalgúns concellos o persoal das brigadas ten unha total falla de profesionalidade.

O concelleiro GONZÁLEZ BARBEIRO di que non están de acordo coa parte expositiva da moción nin co plantexamento dos acordos que xa se están desenvolvendo pola Xunta. Apoian o punto 3 pero non están nada de acordo co tinte catastrofista da exposición da moción. Indica



(Sinatura do Presidente)

Folio N.º

Serie A N.º 1179801

que algúns compañeiros do PSOE como o señor Vázquez ou a señora Rivas saben o que se fixo nos últimos anos e o señor Reguera ten responsabilidade no feito de que non haxa Grumir. A contratación das brigadas era unha medida complementaria do Plan que está a desenvolver a Xunta e Redondela non está desvalida nese aspecto.

A concelleira PÉREZ ORGE di que alucina con que se cualifique de "oportunista" a moción co que está acontecendo. Non son catastrofistas senón realistas. Di que o potencial do monte e o agro galego é impresionante e o PP non cree nesa potencialidade e non desenvolveu moitas das cousas que o BNG deixou xa avanzadas enriba da mesa. Considera que ámbolos dous partidos están nas antípodas.

O concelleiro REGUERA OCAMPO di que o voceiro do PP non lle entendeu e que o importante é desenvolver un traballo de prevención ao longo do ano e isto non se fixo. Considera que o PP segue un modelo que implica o abandono das aldeas: pechan escolas no rural, reforestan con piñeiros e eucaliptos ao servizo das industrias madeireiras e provocaron o peche de explotacións que contribuían a loitar contra o lume. Sinala que o PP mente no número de brigadistas xa que algunhas teñen só dous membros e tampouco informan dos incendios de menos de vinte hectáreas.

O concelleiro GONZÁLEZ BARBEIRO di que este é un problema de todos os galegos e que estando o bipartito na Xunta foi o peor ano de todo o século XXI para desgraza de todo o mundo. Considera que se prende lume de noite cando determinados medios non poden traballar e os lumes non son en xeral imputables a unha acción fortuita. Sinala que case que sete mil persoas están traballando para protexer o monte. Di que unha gran parte dos montes son veciñais. Non lle parece que se poida dicir que a causa dos incendios é a política do PP. Parécelle oportunista.

A concelleira PÉREZ ORGE di que a prevención obedece a moitos anos de traballo e a unha política clara de traballo nese sentido. Admite que o ano 2006 foi trágico e critica a postura da oposición naquel intre que quixo sacar partido dese momento.

VOTACIÓN E ACORDO

Sometido o asunto a votación, o Concello Pleno, en votación ordinaria e por maioría dos/as Sres./Sras. concelleiros/as, sendo once votos a favor e once votos a favor (8 do PsdeG-PSOE, 2 do B.N.G. e 1 de AER) e dez votos en contra (10 do PP) aprobou a Moción do Grupo Municipal do BNG, nos antecedentes transcrita .-

9.2.5.- MOCIÓN PRESENTADA POLO GRUPO MUNICIPAL DO B.N.G., S/ RECUPERACIÓN DO CAMPO DE FÚTBOL DE O VISO

Moción presentada polo Grupo Municipal do B.N.G., no Rexistro Xeral do Concello, con data 3 de setembro de 2013, que transcrita di:

"O Campo de Fútbol de O Viso, leva en funcionamento dende hai varias décadas. A construción do mesmo obedeceu á necesidade da dotación dun campo para a práctica deste deporte, por parte do Club Deportivo Cesantes. Grazas á colaboración de distintas entidades parroquiais, nomeadamente a Comunidade de Montes, un importante número de integrantes do Club Deportivo puideron realizar esta práctica deportiva.

Nos últimos anos, tense posto en marcha unha Escola de Fútbol Base, na propia parroquia.

Dende hai varios anos esta instalación deportiva, atópase nunha situación de deterioro máis que evidente. Os vestiarios non cumpren unhas condicións mínimas de calidade, os accesos ao campo están obsoletos, non contan coa supresión de barreiras arquitectónicas, as bancadas son incómodas, o terreo de xogo áchase nun estado de deterioro irreversible.

A situación chegou a tal extremo de deterioro, que algúns equipos de categorías inferiores, renunciaron a xogar neste Campo.

No BNG somos coñecedores de que existe unha solicitude formal da Escola de Fútbol do C.D. Cesantes, para a utilización das novas instalacións municipais de Santa Mariña.

Ante esta situación o Consello Parroquial de O Viso e aínda a pesares das evasivas, dadas por parte do representante do goberno municipal, tense manifestado por unanimidade a favor de que se lle busque unha solución á situación do campo.

En Campaña Electoral, o Partido Popular, escandalizouse pola situación do Campo de Fútbol marcándose como prioridade para a parroquia de O Viso a renovación do mesmo.

Despois de moitos meses dende que o Consello Parroquial acordara por unanimidade que se arranxase o Campo, e ante o inminente inicio da temporada o Grupo Municipal do BNG, propón ao Pleno da Corporación do Concello de Redondela os seguintes:

ACORDOS:

1. Que o alcalde do Concello de Redondela, inicie as xestións pertinentes coas diferentes administracións (Secretaría Xeral para o Deporte, Deputación) co obxectivo de remodelar o Campo de Fútbol de O Viso.
2. Que se inicien os contactos coas diferentes asociacións implicadas para que se ceda ao Concello a esta instalación deportiva, e a súa posterior xestión."

INTERVENCIÓNS

O concelleiro BLANCO PÉREZ di que polas informacións que teñen xa se está a facer algo no sentido da moción. Refírese aos acordos adoptados no Consello Parroquial nese sentido.

O concelleiro REGUERA OCAMPO di que están de acordo coa moción e pregúntase se se fixeron as xestións para a cesión ao Concello da instalación. Propón que se plantexe o tema á Deputación.

O concelleiro ÁLVAREZ BALLESTEROS di que a moción é oportunista e que cando estiveron gobernando non fixeron nada polo campo de fútbol de Cesantes. Di que teñen que ir paso a paso. Indica que a primeira actuación que fixeron ao entrar no Concello foi a do campo de Cesantes.

O concelleiro GONZÁLEZ CAMPO di que o BNG non quere colgarse ningunha medalla pero teñen dereito a presentar calquera iniciativa que consideren que beneficia aos veciños. Sinala que o tema se tratou no consello parroquial no que estaban representantes de todas as forzas políticas. Presentaron a moción porque viron que non se estaba a tomar ningunha medida non por oportunismo.

O concelleiro ÁLVAREZ BALLESTEROS di que van a votar en contra, non porque non queiran o mellor para a parroquia senón porque xa se fixeron as xestións e antes non se fixera nada. Lee o que saíu na prensa por parte do equipo.

O concelleiro GONZÁLEZ CAMPO di que velan porque se cumpra a vontade dos colectivos, expresada nos consellos parroquiais. Pregunta que fixo o PP na oposición.

VOTACIÓN E ACORDO

Sometido o asunto a votación, o Concello Pleno, en votación ordinaria e por maioría dos/as Sres./Sras. concelleiros/as, sendo once votos a favor e once votos a favor (8 do PsdeG-PSOE, 2 do B.N.G. e 1 de AER) e dez votos en contra (10 do PP) aprobou a Moción do Grupo Municipal do BNG, nos antecedentes transcrita .-

9.3. SOLICITUDE DE COMPARECENCIAS.

9.3.1 DO ALCALDE EN RELACIÓN AOS REPAROS

O concelleiro BLANCO PÉREZ sinala que "tendo en conta o récord de reparos de intervención, que nós saibamos, e que constan sobre a execución dos orzamentos de 2012, solicitamos a comparecencia do Sr. alcalde para que nos explique a que se debe ese número, que consideramos excesivo, de reparos levantados".

O alcalde sinala que nos últimos anos houbo en Redondela tres interventores e que moitos dos



(Sinatura do Presidente)

Folio N.º

Serie A N.º 1179802

reparos obedecen ao criterio de fiscalización do Interventor. E que para uns son necesarios certos reparos e para outros non. Indica que a súa gravidade depende da xustificación a fin de que o ben común non se vexa afectado. Di que no día a día teñen que facelo de acordo tamén co servizo de intervención e que desexan que o número de reparos vaia a menos e así será se as bases de cultura e deportes saen adiante. Sinala que se están a dar pasos cos sindicatos para regula-lo tema da produtividade e así evitar un reparo cada mes en relación a esta cuestión.

O concelleiro BLANCO PÉREZ refírese a reparos relativos a horas extras do persoal ou retribucións e outros que non son cuestións subxectivas do interventor.

O alcalde sinala que prefire non asinar os reparos xa que é o primeiro interesado en que as cousas estean ben feitas e así durmir tranquilo. Di que hai decisións que hai que tomar dun día para outro e que tamén houbo unha interventora que en dous anos non fixo ningún reparo o cal amosa que, efectivamente, os reparos dependen do criterio de cada interventor.

9.3.2 DO CONCELLEIRO DE INTERIOR S/ LOITA CONTRA INCENDIOS.

En vista da solicitude de comparecencia do grupo municipal AER, con entrada na Rexistro Xeral en data 30/08/2013, da seguinte tenor literal:

"Tendo en conta os seguintes feitos:

- Que actualmente nos atopamos en plena época de alto risco de incendios, con días de temperaturas extremas.
- Que a responsable en materia de prevención de incendios forestais, a Xunta de Galicia, fixo unha proposta de convenio cos concellos para contratar brigadas de prevención e defensa contra incendios forestais a finais de xuño, xa iniciada a época de alto risco de incendios.
- Que sendo moi criticado este convenio polas diferentes partes que conforman o sector forestal, considerándose un importante atraso en política de prevención de incendios forestais, o que supón de perda de efectivos reais sobre o terreo durante os 3 meses de verán.
- Que a Xunta de Galicia con esta actitude e estratexia nefasta levou a cabo unha redución drástica de empregos xusto na situación actual de crise e elevado número de parados, o que é totalmente intolerable por parte dunha administración que predica investimentos en emprego día tras día.
- Que sendo todos conscientes do problema que existe en Galicia cos incendios forestais, que as medidas de defensa contra incendios forestais non se adopten no momento que teñen que facerse e sobre todo se vaia totalmente á contra do tecnicamente admitido de que os lumes se apagan en inverno, ou sexa, con moita labor de prevención e poñendo recursos para actuar nos montes antes do período de alto risco.
- Que no noso entorno estanse producindo acotío incendios forestais que están causando danos importantes aos montes e aos recursos naturais da comarca.
- Que no consello forestal do 6 de agosto de 2012 o Concelleiro de Interior comunicou respecto á contratación dunha Brigada de Prevención e defensa contra incendios que estaba traballando no asunto, poñendo como datas para o inicio da actividade da cuadrilla os días 18-20 de agosto.

Pedimos a comparecencia do concelleiro de Interior para que nos explique as xestións do goberno local e da Xunta de Galiza na prevención e defensa de incendios forestais."

Vista, así mesmo, a solicitude de comparecencia presentada en data 30/08/2013 do grupo municipal PsdeG-PSOE, que transcrita di:

"O Grupo Municipal do PSdeG-PSOE do Concello de Redondela, en base ao disposto nos artigos 91.4 e 97.3 do Regulamento de Organización, Funcionamento e Réxime Xurídico das entidades locais e demais normativa que poida resultar de aplicación, presenta, diante do Pleno da Corporación a seguinte COMPARECENCIA:

A principios deste verán a Consellería de Medio Rural e do Mar realizaba unha convocatoria



NUMERADO
CORPORACIÓNS
LOCAIS

para que os concellos da comunidade puideran contratar unha brigada antiincendios para levar a cabo labores de prevención e defensa do medio rural durante os meses de xullo, agosto e setembro.

Ante esta situación, dende o Grupo Municipal do PSdeG-PSOE do Concello de Redondela SOLICITAMOS:

- A comparecencia do concelleiro de interior para que explique en que punto se atopa a contratación dunha brigada para a defensa dos nosos montes"

O concelleiro GONZÁLEZ BARBEIRO admite que se plantexou un pouco tarde e complementaria doutras accións por parte de Xunta de Galicia. Di que se decidiron por unha empresa privada despois de avaliar os pros e os contras. Invitaron a tres empresas pero ningunha delas quixo presentarse.

O concelleiro BLANCO PÉREZ di que quere recordarlle que tanto o goberno local como a Xunta de Galicia non teñen para nada actuado con celeridade no tema da prevención e defensa de incendios forestais, por exemplo:

No pleno do 4 de abril AER preguntalle acerca do Pladiga 2013 (Plan de Prevención e Defensa Contra Incendios Forestais de Galicia) e en concreto sobre os convenios que a consellería de Medio Rural ía asinar coa FEGMAP. Ao mes seguinte aparece publicada a memoria do Pladiga 2013, polo que no mes maio o seu departamento xa podería ter estudado este plan e avanzar nos convenios que este establecía, incluído o da contratación de brigadas municipais. Daquela, si estes convenios non convencían ao goberno local tal como teñen manifestado en máis dunha ocasión, poderían ter actuado e reclamado á Xunta de Galicia afondar no modelo de brigadas forestais públicas e profesionais. oportunidade perdida

Por outra banda, a Consellería de Medio Rural actuou este ano dun xeito claro con aleivosía no tema da prevención e defensa dos incendios forestais. No caso da defensa, desmontando o dispositivo preexistente de brigadas e atrasando o máximo posible a súa contratación. unha temeridade. E vostedes que dixeron ou fixeron ao respecto?

Continúa dicindo que no caso da prevención, sacando unha Orde de axudas o 3 de xuño de 2013, cun prazo de presentación dun mes contado a partir do día seguinte ao da publicación desta orde no DOG (o venres, 7 de xuño de 2013), ou sexa, remataba o prazo para entregar as solicitudes a inicios de xullo (xa en plena época de alto risco de incendios) a día de hoxe aínda se están empezando a recibir as resolucións das axudas. Isto é xestión eficaz, previr despois dos lumes...

Di que as axudas dánse por traballos xa realizados e que é responsabilidade da Comunidade de Montes de empezar os traballos. Isto é mentira porque despois da solicitude ten que haber unha visita técnica do axente forestal para comprobar que os traballos se axustan á orde a orde de axudas, polo que non se pode facer absolutamente nada ata que dean o visto bo. E se fas algunha actuación e non a supervisaron pois denéganche a axuda.

Continúa dicindo que o Sr. alcalde seguramente coñeza a Lei 3/2007, do 9 de abril, de Prevención e Defensa contra os Incendios Forestais de Galicia (modificada pola Lei 7/2012, do 28 de xuño, de Montes de Galicia) que establece no seu artigo 7.-Competencias das entidades locais. Correspóndelles aos concellos e a outras entidades locais: «a) Elaborar e aprobar os plans municipais de prevención e defensa contra os incendios forestais, consonte o previsto nesta lei e na lexislación galega de montes, e integralos nos plans de emerxencia municipais, de acordo co previsto na lexislación galega de emerxencias».

E pregunta: "Que levan feito ao respecto? teñen vostedes ou non teñen responsabilidades legais na prevención e defensa contra incendios forestais?"

Segue coa mesma lei citando o artigo 16.-Planeamento municipal de prevención e defensa contra os incendios forestais. 1. O planeamento municipal de prevención e defensa contra os incendios forestais integrarase nos plans municipais de emerxencias, consonte o establecido na lexislación galega de emerxencias.



(Sinatura do Presidente)

Folio N.º

Serie A N.º 1179803

4. A coordinación e a xestión do planeamento municipal de prevención e defensa contra os incendios forestais compétenlles aos alcaldes ou alcaldesas.

A elaboración, execución e actualización deste planeamento ten carácter obrigatorio.

E volve preguntar: Teñen idea en ir establecendo unha planificación en materia de prevención e defensa de incendios forestais, de tal xeito que non lle pille o toro, (mellor dito, a toura que por algo estamos en Galiza,) e non estar unicamente a expensas do ditaminado dende a xunta do PP, sen aportar voz ou voto nas medidas erróneas ordenadas dende Santiago ao respecto?

Continúa dicindo que "os seus compañeiros de Santiago o están facendo tan mal que ata vostedes o recoñecen...poderían mandarlle unha mocioncilla instándolles a corrixir a nefasta estratexia de prevención e defensa contra incendios forestais... veña, desmelénense un pouco, e senón unha notiña de prensa expresando o que non se atreven a dicir en alto respecto o convenio de brigadas deste ano... ah!, e vostedes póñanse as pilas que os incendios se apagan en inverno...prevención, prevención e prevención e no seu caso... planificación, moita planificación..."

O concelleiro REGUERA OCAMPO di que o convenio era importante para o Concello, sobre todo polo aspecto da prevención e que o expediente de contratación foi asinado o 30 de xullo. Parécelle que houbo falta de dilixencia e xestión que fixo que Redondela quedara sen unha brigada contra incendios e, o que é máis importante, sen prevención.

O concelleiro GONZÁLEZ BARBEIRO di que non hai falla de previsión e que a copia do Convenio chegou a finais de xuño. Di que o señor Reguera sabe perfectamente o que pasou co Grumir. Sinala que había problemas para contratalos, equipándoos, formándoos, viabilidade económica...etc non quedou máis remedio que acudir á empresa privada. Pasou o mesmo noutros Concellos. Índica que a metade da subvención era para o desbroce. Di tamén que no Concello hai un Plan pero non se desenvolveu porque dende que se fixo está durmido nun armario.

Dado o avanzado da hora, e ao abeiro do artigo 87 do Real Decreto 2568/1986 de 28 de novembro polo que se aprobou o Regulamento de Organización, Funcionamento e Réxime Xurídico das Corporacións Locais, a Presidencia levanta a sesión, sendo as vinte e tres horas e cincuenta e nove minutos da data indicada no encabezamento, de todo o que se estende a presente acta da que, como Secretaria, dou fe.-

ACTA 16/2013

SESIÓN ORDINARIA CELEBRADA POLO PLENO DO CONCELLO O DÍA 26 SETEMBRO 2013

ORDE DO DÍA

1 APROBACIÓN, SE PROCEDE, DA ACTA DA ÚLTIMA SESIÓN.

2 DAR CONTA D EXPEDIENTES DE MODIFICACIÓN DE CRÉDITO.

3 DAR CONTA DA EXECUCIÓN DO ORZAMENTO E DA SITUACIÓN DA TESOURERÍA NO 1º SEMESTRE DO ANO 2013.

4 DAR CONTA DO CUMPRIMENTO DA ESTABILIDADE ORZAMENTARIA E A REGRA DE GASTO NO 2º TRIMESTRE DO ANO 2013

5 APROBACIÓN DO PLAN ECONÓMICO FINANCEIRO

6 ACTIVIDADES DE CONTROL DE PLENO:

6.1 DAR CONTA RESOLUCIÓN DA ALCALDÍA.

6.2 MOCIÓN